

STATUTI
I SHOQËRISË ME PËRGJEGJËSI TË KUFIZUAR “AGA JUG ” SHPK

Sot, me date 15/02/2024 (dy mijë e njëzet e katër), nga ne ortakët themelues të shoqërise:

FORMIMI

NENI 1

Formohet shoqëria tregtare me emërtimin “AGA JUG ” sh.p.k., (këtu e në vijim referuar si “shoqëria”), shoqëri me përgjegjësi të kufizuar me tre ortak themelues.

NENI 2

SELIA E SHOQERISE

1. Selia e shoqërisë është në adresën, Rruga “ Hasan Kushta”, Lagjia “Lef Sallata”, ndertesa me nr. Pasurie 27/58-ND, VOL-18, FQ-15, ZK-8603, kati i pare, Veprimtaria e saj private ushtrohet brenda territorit të Republikës së Shqipërisë Asambleja e Përgjithshme mund të vendos për transferimin e selisë së shoqërisë në një adresë tjetër, si dhe të vendos në lidhje me ndryshimin e të dhënave adresore dhe/ose mbylljen/hapjen e vendqëndrimeve të tjera, degëve, zyrave të përfaqësimit, filialeve, agjenci, në të gjithë territorin e Republikës së Shqipërisë dhe në çdo shtet tjetër të huaj, jashtë territorit të Republikës së Shqipërisë me miratim të asamblesë së përgjithshme dhe në përputhje me ligjet e vendit apo shtetit përkatës ku ato do të hapen.
2. Shoqëria me vendimin e asamblesë së përgjithshme të saj, mund të investojë apo të marrë pjesë në kapitale të shoqërive të tjera me karakter tregtar apo investues, në shoqëri të tjera vendase apo të huaja, brenda dhe jashtë territorit të Republikës së Shqipërisë.
3. Shoqëria me vendimin e asamblesë së përgjithshme të saj, mund të kryejë operacione financiare duke u përfshirë në tregjet financiare apo tregjet e kapitaleve, të mbyllura apo të hapura, kombëtare apo ndërkombëtare.
4. Shoqëria me vendimin e asamblesë së përgjithshme të saj, mund të kryejë operacione financiare dhe transaksione financiare, me shoqëri të tjera brenda dhe jashtë territorit të Republikës së Shqipërisë, të cilat janë në pronësi të ortakëve të saj, apo në të cilat ortakët e shoqërisë në Shqipëri, mund të jenë ortakë apo aksionerë edhe në këto shoqëri të tjera.
5. Shoqëria mund të shtojë numrin e ortakëve duke ndryshuar në këtë mënyrë numrin e ortakëve dhe pjesëmarrjen e tyre në kuotat e shoqërisë. Për këtë arsye për të parashikuar mënyrën e funksionimit në rastet e shtimit të ortakëve në këtë statut janë përfshirë disa klauzola të përgjithshme që garantojnë funksionimin normal në periudha tranzitore. Në rast të shtimit të numrit të ortakëve dhe shndërrimit të shoqërisë nga shoqëri me një ortak në shoqëri me shumë ortakë, do të depozitohen ndryshimet në QKR dhe do të specifikohen klauzolat e statutit, në përputhje me statutet e reja të krijuara.
6. Brenda 10 (dhjetë) ditëve kalendarike nga shtimi i numrit të ortakëve, asambleja e ortakëve në mbledhje të jashtëzakonshme të saj do të vendosë për ndryshime eventuale të organeve, administratorit dhe statutit të shoqërisë.

Neni 3 Kohëzgjatja

Kohëzgjatja e veprimtarisë ekonomike të shoqërisë tregtare “AGA JUG” sh.p.k. është e per nje kohe te pacaktuar

OBJEKTI I VEPRIMTARISË

Neni 4

Objekti i shoqerise

Ushtrim i aktivitetit privat ne fushen e tregtimit mallrave te ndryshem industrial dhe ushqimor, bujqesore dhe blegtorale, pije freskuese dhe alkoolike, jo alkoolike dhe import-eksport te ketyre mallrave, me shumice dhe pakice, import-eksport te artikujve dhe mallrave te ndryshme, etj. Tregtimi i mallrave te ndryshem industriale dhe ushqimore, ndryshme, import-eksport tekstile, hapje dhe shfrytezimhotelesh, bar-kafe, restorantesh, diskotekash, qendrash pushime dhe kurative, qendrash fitnesi, hapje linjash, interneti dhe venie ne sherbim te tij per te tretet. Te ofroje, kryej dhe drejtoje sherbime,projekte dhe veprimtari te te gjitha llojeve ne lidhje dhe ne

dobi te bashkepunimit, tregtise , biznesit, telekomunikacioneve, mjedisit, menaxhimit, konsultimeve, investimeve, agjenci komisionere ne fushen e perfaqesimit, spedicionit, ndermjetesimit, marketingut. Te krijoje, bleje,financoje, investoje, te hyje ne maredhenie te ndryshme mete tretet, te kryej sipermarrje dhe projekte te ofroj sherbimedhe asistence per riparimin dhe mirembajtjen e pajisjeve Audio, etj,

Shoqëria zbaton ligjin nr. 9901, datë 14.04.2008 “Për tregtarët dhe shoqëritë tregtare”, të ndryshuar, për ushtrimin e veprimtarisë të saj.

KAPITALI I SHOQËRISË

Neni 5 Kapitali i shoqërisë

Kapitali themeltar i shoqerise eshte 100 000 leke (njeqind mije)

5.2. Ortaket Themelues te Shoqerise: ’

Z. Ardian Zyckaj eshte Zoterues i 1 (nje) kuote me vlere te pergjithshme 60 000 LEKE (gjashtedhete mije), qe perben 60 % te Kapitalit Themeltar te Shoqerise

Z. Gentian Hibraj eshte Zoterues i 1 (nje) kuote me vlere te pergjithshme 20 000 LEKE (njezet mije), qe perben 20 % te Kapitalit Themeltar te Shoqerise

Z. Amarildo Alushi eshte Zoterues i 1 (nje) kuote me vlere te pergjithshme 20 000 LEKE (njezet mije), qe perben 20 % te Kapitalit Themeltar te Shoqerise

Neni 6

Zmadhimi dhe zvogëlimi i kapitalit

1. Kapitali i shoqërisë mund të zmadhohet ose zvogëlohet në çdo moment me vendim të organeve drejtuese të shoqërisë, në përputhje me parashikimet e Ligjit nr. 9901 datë 14.04.2008 “Për tregtarët dhe shoqëritë tregtare”, të ndryshuar.
2. Në çdo rast kapitali i regjistruar nuk mund të zvogëlohet nën kufirin minimal të parashikuar nga ligji.
3. Në asnjë rast shumica nuk mund të detyrojë një ortak për të rritur detyrimin e tij në kapitalin themelor. Pjesët e kapitalit themelor janë lirisht të transferueshme prej trashëgimtarëve të çdo ortaku në rast vdekjeje.

DREJTIMI DHE ADMINISTRIMI

Neni 7 Asambleja e përgjithshme

1. Organi më i lartë i shoqërisë është Asambleja e Përgjithshme, ajo përbëhet prej ortakëve të shoqërisë. Asambleja është organi sovran i shoqërisë duke u mbështetur në të drejtën e tyre të pronësisë private mbi mjetet e investuara në shoqëri.
2. Asambleja zhvillon mbledhje të zakonshme dhe të jashtëzakonshme. Ajo thirret jo më pak se dy herë në vit. Në mbledhje të jashtëzakonshme shqyrtohen dhe vendosen probleme që kanë të bëjnë me krijimin, bashkimin, ndarjen, shpërndarjen, ndryshimin e statutit e probleme të tjera të rëndësishme për të cilat kërkohet miratimi i përbashkët nga ortakët themelues.
3. Asambleja e Përgjithshme përcakton dhe miraton të drejtat dhe detyrat e organeve të saj. Të zgjedhurit dhe të emëruarit nga Asambleja veprojnë në përputhje me dispozitat e këtij statuti, aktit të themelimit si dhe ligjeve në fuqi në Republikën e Shqipërisë. Vendimet që merr Asambleja sipas këtij statuti dhe legjisllacionit në fuqi janë të detyrueshme për çdo ortak. Secili ortak ka të drejtë vote sipas përqindjes

- në kuotën e kapitalit themelues të shoqërisë.
4. Secili ortak që ka të drejtën e pjesëmarrjes së Asamble, mund të përfaqësohet në të edhe nga një person tjetër i autorizuar e shkrim nga ortaku i shoqërisë.
 5. Të drejtat dhe detyrimet e asamblesë së përgjithshme ushtrohen nga te gjithë ortaket
- Vendimet e marra nga shumica e ortakeve regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet për:
- a) miratimin e pasqyrave financiare vjetore dhe të raporteve të ecurisë së veprimtarisë; b) shpërndarjen e fitimeve vjetore dhe mbulimin e humbjeve; c) investime; ç) vendimet për riorganizimin dhe prishjen e shoqërisë.
6. Çdo vendim i ortakeve që është i paregjistruar në regjistrin e vendimeve do të konsiderohet absolutisht i pavlefshëm.
 7. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.
 8. Nëse shoqërisë i shtohen ortakë të tjetër përveç themeluesve, atëherë asambleja e përgjithshme do të thirret, mblidhet dhe vendosë në përputhje me dispozitat ligjore të parashikuara në ligjin nr. 9901 datë 14.04.2008 “Për tregtarët dhe shoqëritë tregtare”, të ndryshuar.

Neni 8 Administrimi i shoqërisë

1. Kjo shoqëri ka statusin e personit juridik shqiptar dhe i nënshtrohet legjislacionit përkatës shqiptar.
2. Shoqëria do të administrohet nga administratori Gentian Hibraj i zgjedhur nga ortaket për një periudhë maksimale prej 5 (pesë) vjetësh. Administratori mund të rizgjidhet ose shkarkohet nga ortakët.
3. Me themelimin e këtij akti, administrator i shoqërisë caktohet për një periudhë 5 (pesë vjeçare).
4. Në këtë shoqëri mund të aderojnë ortakë të tjerë të rinj në kushtet që do të përcaktohen në akt marrëveshjen e bërë në rastin e pranimit të tyre.
5. Po ashtu ortakët kanë të drejtën të ndryshojnë apo shtojnë objektin e veprimtarisë së shoqërisë, sipas interesave të veta ekonomike dhe financiare.
6. Administratori gëzon të drejta të plota në lidhje me administrimin e shoqërisë dhe mund të kryejë të gjitha veprimet e administrimit të zakonshëm dhe të jashtëzakonshëm. Ai mban përgjegjësi për veprimet e kryera gjatë administrimit të shoqërisë dhe mund të delegojë të tretë për të kryer veprime dhe akte të caktuara, në emër dhe për llogari të shoqërisë.
7. Administratori i vetëm vepron në respektim të politikave tregtare të përcaktuara nga asambleja e përgjithshme. Ai është përgjegjës për veprimet e kryera gjatë administrimit të shoqërisë, si dhe duhet të veprojë në çdo kohë vetëm në interesin më të mirë të shoqërisë.
8. Shpërblimi i administratorit përcaktohet nga Asambleja e Përgjithshme
9. Çështjet e punësimit dhe marrëdhënies së punës së administratorit të vetëm rregullohet nga legjislacionin në fuqi për marrëdhëniet e punës, si dhe për sigurimet shoqërore e shëndetësore
10. Shoqëria ka përcaktuar si menaxher te përgjithshem per shitje z. Amarildo Alushi.

Neni 9 Krijimi i shoqërisë

1. Shoqëria tregtare “**AGA JUG**” sh.p.k deklarohet se është krijuar dhe operon në zbatim të plotë të normave të legjislacionit shqiptar, të statutit, aktit të themelimit. Shoqëria fiton zotësinë për të vepruar me regjistrimin e saj si person juridik në Regjistrin Tregtar të QKB-së (Qendrës Kombëtare të Regjistrimit të Biznesit).
2. Administrator i Shoqërisë do të përcaktohet me vendimin e asamblesë së përgjithshme të ortakeve. Afati i emërimit në detyrë të administratorit është 5 vjet me të drejtë rrimërimi.

Neni 10

Vula e shoqërisë dhe llogaritë bankare

1. Shoqëria ka vulën e saj, me mbishkrimin e emrit të shoqërisë “**AGA JUG**” sh.p.k.
2. Ajo do të hapë llogarinë e saj bankare në lekë e valuta të tjera në Bankat e nivelit të dytë në Republikën e Shqipërisë ose jashtë Republikës së Shqipërisë.

Neni 11 Përgjegjësitë e shoqërisë

Shoqëria tregtare "AGA JUG ", sh.p.k, vepron në regjimin e pronës private dhe merr përsipër vetëm të drejta dhe detyrime kontraktuale dhe jo kontraktuale brenda kapitalit të saj.

Ortakët e shoqërisë mbartin rrezikun për rezultatet e veprimtarisë së shoqërisë në nivelin e kapitalit themelor të shoqërisë duke mos u përgjigjur me pasuritë vetjake të realizuara në veprimtari të tjera ekonomike për detyrimet e kësaj shoqërie.

Neni 12

Emërimi i organeve ose personave të tretë

1. Sipas nevojave që paraqiten për zhvillimin e veprimtarisë ekonomike të shoqërisë, Asambleja emëron organe kontrolli si dhe punëson persona të tjerë të cilët qëndrojnë në detyrë deri sa të kërkohet nga Asambleja ose largohen me dëshirën e tyre.
2. Administratorit me përjashtim të rastit kur është ortak i vetëm dhe administrator, nuk i lejohet të kontraktojë në çfarëdo forme qoftë të marrë hua në shoqëri të tjera, të japë pëlqimin në emër të shoqërisë për paradhënie e të bëhet dorëzanës apo të garantojë në emër të saj ndaj të tretëve.

Neni 13

Detyrat e Administratorit

1. Administratori merret me drejtimin e zakonshëm dhe të jashtëzakonshëm të shoqërisë pa kufizime.
2. Administratori ka për detyrë të njoftojë e të japë llogari në Asamblenë e Ortakëve me përjashtim të rastit kur është ortak i vetëm dhe administrator dhe si i tillë i mbart vetë këto cilësi.

Neni 14 Kontrata e Punës

Marrëdhëniet e punës në shoqëri rregullohen nëpërmjet kontratës së punës duke zbatuar legjislacionin shqiptar. Shoqëria merr përsipër që të respektojë rregullat në fuqi të punësimit, ndërsa të punësuarit janë të detyruar të pranojnë këtë statut dhe çdo akt që rregullon veprimtarinë e shoqërisë.

Neni 15 Përgjegjësia e punonjësve

1. Të punësuarit në shoqëri përgjigjen sipas ligjit dhe sipas statutit. Për mos zbatimet dhe dëmet që mund t'i shkaktojnë shoqërisë mbajnë përgjegjësi administrative, disiplinore e penale.
2. Mosmarrëveshjet që mund të lindin midis të punësuarve dhe punëdhënësit kur nuk mund të zgjidhen me mirëkuptim, secila palë ka të drejtë që t'i drejtohet organeve të drejtësisë.

Neni 16

Marrëdhënia e të punësuarve me kapitalin e shoqërisë

1. Punonjësit e emëruar apo të punësuar nuk marrin pjesë në ndarjen e fitimit që realizon shoqëria në veprimtarinë e saj ekonomike, ndërsa kontrata e punës nuk është e parashikuar ndryshe.
2. Të gjithë të punësuarit në shoqëri, janë të detyruar të ruajnë sekretin e punës në shoqëri. Kjo është e detyrueshme dhe pas largimit nga puna e tyre.

PËRFAQËSIMI I ADMINISTRATORIT

Neni 17

1. Përfaqësimi i shoqërisë tregtare "AGA JUG SHPK, i takon Administratorit aktual të emëruar prej të saj. Ai ka të drejtë që të përfaqësojë shoqërinë në organet gjyqësore, bankare të caktojë dhe emërojë avokatë ose përfaqësues të tjerë kur është e nevojshme.

MARRËDHËNIET E PUNËS

Neni 18

Kontrolli financiar

1. Kontrolli financiar i shoqërisë kryhet nga auditues ligjor, në përputhje me legjislacionin në fuqi. Shoqëria organizon kontrollin e brendshëm me ekspert kontabël të emëruar me ose pa afat. Ortakët emërojnë një apo më shumë auditues ligjor në të gjitha ato raste kur emërimi vlerësohet i nevojshëm ose kërkohet nga ligji.
2. Ekspertët kontabël kontrollojnë dhe garantojnë që llogaritë vjetore të jenë të rregullta, të besueshme për rezultatin dhe gjendjen financiare. Ata kontrollojnë mbajtjen dhe evidentimin e veprimtarive financiare në përshtatje me ligjin dhe aktet e tjera për kontabilitetin. Ata janë përgjegjës ndaj shoqërisë dhe ndaj të tretëve për pasojat që rrjedhin nga fajet apo paaftësitë e tyre në kryerjen e detyrës.

Neni 19 Viti financiar

Viti financiar i shoqërisë fillon më 1 Janar dhe mbaron më 31 Dhjetor të çdo viti, me përjashtim të vitit të parë të aktivitetit të shoqërisë, i cili fillon në datën e regjistrimit të shoqërisë dhe mbyllet në fund të këtij viti.

BILANCI DHE TË ARDHURAT

Neni 20

Viti financiar

1. Viti financiar i shoqërisë fillon më 1 Janar dhe mbaron më 31 Dhjetor të çdo viti, me përjashtim të vitit të parë të aktivitetit të shoqërisë, i cili fillon në datën e regjistrimit të shoqërisë dhe mbyllet në fund të këtij viti.
2. Si rregull veprimet ekonomike të Shoqërisë mbyllen më 31 Dhjetor të çdo viti, përjashtim nga ky rregull do të bëhet kur kërkon organi kompetent ligjor.
1. Veprimtaritë ekonomike dhe financiare të shoqërisë mbyllen më datë 31 Dhjetor të çdo viti. Administratori i shoqërisë nxjerr bilancin kontabël dhe raportin përkatës në përputhje me dispozitën ligjore dhe kontabilitetin.
2. Raporti i administrimit, inventaret, bilancet dhe llogaritë vjetore të hartuara i nënshtrohen pa përjashtim miratimit nga Asambleja e ortakëve brenda afateve të caktuara.
3. Me miratimin e bilancit kontabël shoqëria vendos për fondet e nevojshme për zhvillimin, si p.sh fondi rezervë, akte të akumulimit, investimit, et

Neni 21

Bilanci vjetor dhe dividendi

1. Bilanci vjetor, pasqyrat financiare, raportet e organit të administrimit dhe të audituesit ligjor (nëse është emëruar) miratohen nga Asambleja e Përgjithshme
2. Dokumentet që kanë të bëjnë me vitin financiar miratohen nga Asambleja e Përgjithshme vetëm brenda 6 (gjashtë) muajve nga mbyllja e vitit financiar.
3. Asambleja e Përgjithshme vendos mbi shpërndarjen e dividendit në bazë të rezultatit financiar të shoqërisë, sipas parashikimit të legjislacionit në fuqi.
4. Të ardhurat neto pas veçimit të fondeve si më sipër dhe shlyerjes së detyrimeve fiskale i mbesin për përdorim ortakëve të shoqërisë të cilët i ndajnë midis tyre në përputhje me kuotat e secilit në formimin e kapitalit themelor të shoqërisë përcaktuar sipas parashikimeve të aktit të themelimit.
5. Çdo ortak ka të drejtën e transferimit jashtë vendit të pjesës së fitimit duke zbatuar dispozitat ligjore për këtë.
6. Asambleja e ortakëve mund të vendosë që të shpërndahen shumat e fondeve të rezervuara duke treguar shprehimisht llojin e rezervës ku janë marrë.

7. Neni 22

Ruajtja e dokumentacionit

Në selinë e shoqërisë tregtare mbahet dokumentacioni i plotë i saj, mbahen protokollet e ndryshme, dokumentacioni i kontabilitetit ku mund të bëhet vetëkontroll ose për t'ia vënë në dispozicion çdo organi kontrolli ta ngarkuar me ligj. Dokumentet e shoqërisë duhet të njohën mirë nga ortakët.

SHPËRBËRJA E SHOQËRISË

Neni 23

Prishja dhe likuidimi i shoqërisë

1. Shpërbërja e shoqërisë mund të vijë në çdo kohë dhe për çfarëdo shkak si në rastin e falimentimit, privimi i të drejtës për të ushtruar profesionin e tregtarit, forca madhore, raste lufte dhe çdo formë tjetër që nuk varet nga dëshira e Asamblesë së ortakëve. Në rast të prishjes dhe likuidimit të shoqërisë, do të zbatohet dispozitat e Ligjit nr. 9901 datë 14.04.2008 "Për tregtarët dhe shoqëritë tregtare", të ndryshuar.
2. Në çdo rast Asambleja vendos mbi mënyrën e likuidimit të shoqërisë duke caktuar një ose më shumë likuidatorë.
3. Likuidatorët dhe administratorët janë përgjegjës për ruajtjen e pasurisë së shoqërisë derisa t'u dorëzohet personave përkatës fizik e juridikë duke i dhënë përparësi likuidimit të detyrimit të shoqërisë ndaj të tretëve.
4. Mbas likuidimit të të gjithë detyrimeve ndaj të tjerëve likuiduesi i ndan kapitalet e mbetura mes ortakut/ortakëve përpjesëtimisht me kuotat që ata zotërojnë në kapitalin themelor.
5. Mbasi bëhet njoftimi i mbylljes së likuidimit dhe kryhen formalitetet e mbylljes Shoqëria ç'regjistrohet nga regjistri i tregtarëve të QKB-së (Qendrës Kombëtare të Regjistrimit të Biznesit).

DISPOZITA TË PËRGJITHSHME

Neni 24 Legjislacioni i zbatueshëm

1. Shoqëria do të ushtrrojë aktivitetin e saj në përputhje me Aktin e Themelimit, Statutin dhe legjislacionin shqiptar në fuqi për shoqëritë tregtare.
2. Për sa nuk është shprehur në këtë statut i referohet plotësisht nga Asambleja e Përgjithshme duke mbajtur parasysh kërkesat e ligjit 9901, datë 14.04.2008 "Për tregtarët dhe shoqëritë tregtare" i ndryshuar, si dhe akteve të tjera ligjore dhe nënligjore në fuqi.
3. Mosmarrëveshjet që mund të lindin midis palëve nëse nuk gjejnë zgjidhje me bisedime e mirëkuptim, do të zgjidhen në Gjykatën e Rrethit Gjyqësor përkatës (*Kompetenca Territoriale*).
4. Çdo ndryshim e plotësim në statut nuk prek personalitetin juridik të shoqërisë tregtare "AGA JUG" sh.p.k.

Për sa më sipër, unthemeluesit hartuan STATUTIN e shoqërisë me përgjegjësi të kufizuar "AGA JUG" SHPK, bazuar në vullnetin tim të lirë e të plotë, si dhe në përputhje me parashikimet e legjislacionit në fuqi për shoqëritë tregtare.

ARDIAN ZYKAJ

GENTIAN HIBRAJ

AMARILDO ALUSHI